



# Synfocity = 763

mail us at : [mzsynfo@gmail.com](mailto:mzsynfo@gmail.com); [mizoramsynod@gmail.com](mailto:mizoramsynod@gmail.com) - Phone - 2314648

December 19, 2019

## ❑ **MSSU Trainers' Meet vawi 9-na**

Dec 17, 2019 (Nilaini) khan MSSU buatsaihin Trainers' Meet vawi 9-na Synod Committee Room I-ah neih a ni a, MSSU trainer mi 19 an kal thei a ni.

Trainer's meet hi Rev. B. Sangthanga, Executive Secretary i/c MSSU-in a kaihruai a, Pi Lalpianthangi Hrahsel, MSSU Coordinator-in inhmelhriattirna hun a hmang a, Rev. B. Sangthanga hnen aṅangin fuihna thuchah ngaihtlak a ni a. Upa Lalṅahluna Ralte, Asst. Coordinator hnen aṅangin kum thar atana inbuatsaihna hrang hrangte ngaihtlak a ni a. Chawhnu lamah Rev. K. Lalpiangthara hnen aṅangin nakkum 2020 Puitling Sunday School zirlai kamkeu-na ngaihtlak a ni.

Trainers' Meet hi rawngbawl tura infuih tharna hun atan hman a ni deuh ber ṭhin a, Puitling Sunday School zirlaibu ziaktu hovin zirlai zir lawkna an nei.

## ❑ **Synod Office inthlahna hun hmang**

Dec. 18, 2019 (Nilaini) chawhnu dar 2 khan J.M. Lloyd Hall, Synod Office-ah Synod Office-a thawktu pension-a chhuak tur leh hmun danga insawn turte thlahna hman a ni.

Programme hi Rev. Lianhmingthanga Sailo, Chairman, Staff Welfare-in a kaihruai a, Dr. Robert S. Halliday, Synfo Coordinator-in thlah turte chanchin tawi a sawi a, ngaihhuina thilpek leh certificate hlan an ni a. Thlahte hnen aṅangin thusawi tawi ngaihtlak a ni bawk. Rev. B. Sangthanga, Executive Secretary-in thlahna thu sawiin ṭawngṭaisakna hun a hmang. Tun ṭumah hian Synod hnathawk, pension-a chhuak tur 5 leh hmun danga insawn tur 4 an awm a ni.

Synod Office hi December 21, 2019 (Inrinni) aṅangin khar a ni ang a, January 6, 2020-ah hawn leh a ni ang.

## ❑ **Partnership**

Synod Partnership Committee chuan inkaihruainain a sawi angin recognized Para Church te leh khawtlang tana ṭahnem ngai taka thawktute pawl hrang hrang 27 te ko khawmin Dec. 17, 2019 (Thawhlehi) khan J.M. Lloyd Hall, Synod Office-ah an inhmukhawm a, hemi hunah hian Partnership Committee leh Para Church te thawhhona chungchang paper Rev. Dr. H. Vanlalauva ziake zirho a ni a, hemi hnuah hian ṭanpuina Rs. 13,40,000/- sem chhuah nghal a ni.

## ❑ **Kolkata-ah Ram lei**

Kolkata a Mizo Presbyterian Kohhran tan Biak In leh a ṭul atana hman atan Tagore Park Area-ah ram 132' x 120' feet a zau chu lei fel a ni ta a. He ram leina hi Rev. Lianhmingthanga Sailo, Senior Executive Secretary-in December 16, 2019 khan Synod aiawhin hming a ziake.

## ❑ **Thawktu siamrem**

SEC 283 : 3 nain a rel angin Synod Office Superintendent Upa Lalrinmuana chu Synod Hospital Coordinator turin a ruat a, superintendent atan Dr. Robert S. Halliday chu SEC 283 : 9 nain a ruat thung a ni. He hna hi January 6, 2020 aṅangin a zawm ang. Dr. Robert S. Halliday hian Synfo Coordinator hna chu thu leh awm hma chuan a kawp rih dawn a ni.

## ❑ **Worship**

Dec. 17, 2019 (Thawhlehi) khan Synod Music School buatsaihin Recital 2019 chu P.C. Girls School Chapel, Mission Vengah neih a ni a. Rev. K. Lalrinmawia, Executive Secretary i/c Worship-in a hmanpui.

He Recital 2019 hi Upa H. Lalhmingmawia, Worship Dept. Coordinator-in a kaihruai a, Pu H. Lalrinmawia, Music Instructor hnen aṅangin thupuan ngaihtlak a ni a, Rev. K. Lalrinmawia, Executive Secretary-in thu a sawi a. He hunah hian Synod Music School-a zirlai hrang hrangten an thiam thil te phochhuakin hun hlimawm tak an hmang a ni.

☐ **Synod Mission Board leh ram pawn chet velna chanchin tlangpui**

- ◆ Kumin 2019 November thla thlenga Mission Field hrang hranga ringthar neih dan hetiang hi a ni:

<i>S.No Field</i>	<i>Total</i>	<i>S.No Field</i>	<i>Total</i>
1) Arunachal & Assam Mission (East)	187	10) Home Mission South	108
2) Arunachal & Assam Mission (North)	140	11) Kolkata	1276
3) Arunachal & Assam Mission (West)	101	12) Lucknow	152
4) Assam	113	13) Nepal	149
5) Barak	190	14) Odisha	190
6) Delhi	93	15) Patna	107
7) Jharkhand	344	16) Siliguri	168
8) Karbi Anglong	219	17) Tripura	1364
9) Home Mission North	226	18) Masihi Sangati	3512
<b>TOTAL</b>			<b>8639</b>

- ◆ **Arunachal & Assam Mission Field (North)**

Kardungsuk Fellowship, Jonai Bialah Dec. 9, 2019 (Thawhtanni) khan Temporary-in Biak In sak a ni a. Kristian pawh la ni lo, Hindu Hmeithai-in a ramah phal takin Biak In sak nan a pe a, hnatlangho chhun chaw buatsaisak bawk a. Kardungsuk Hindu paho mi panga laiin hnatlang hi an pui bawk a ni. Pasigat Biala Missionary Qtrs thar, Mirem ami chu Dec. 17, 2019 (Thawhlehi) khan luahluh a ni.

☐ **Synod Revival**

- ◆ Nov. 10 - 14, 2019 chung khan Synod Revival Camping Centre, Neibawihah Camping neih a ni a, Speaker Joseph Zaihmingthanga, Krista Sipai Team a ni. Camp-a lut zawng zawng hi mipa 39, hmeichhia 5, an vaiin 44 an ni. Camp-ah hian veng hrang hrang 18 atangin an lut a. Camp chungna mawhphurhna hrang hrang hi Bawngkawn Bial ten an buaipui a ni.

- ◆ Krismas leh Kumthar vuak vet-ah Synod Revival hmalaknain Aizawl leh a chhehvelah Operation Nehemia neih leh tura ruahmanna siam a ni a, he hunah hian group 14 ah inthen darhin speaker, councillor leh Revival Committee member-te an kal ang.

☐ **Kohhran Hmeichhia**

Women Centre, Phunchawng-a thawk turin thawktu lak thar an ni.

1. Puantah zirtirtu - H. Lalrinpuii d/o Rithanga, Bawngkawn Hmarveng.
2. Puanthui zirtirtu - K. Vanrammawii d/o Lalzawmliana, N. Lungleng  
- R. Lalthlamuani d/o Upa Laia (L), Ramhlun Venglai.
3. Security Guard - K. Lalrinmawia s/o Upa K. Lalrova, Phunchawng.

☐ **Kum 2020 Nilai leh Beihruah Thupui leh Puitling Sunday School Zirilaibu**

Mizoram Presbyterian Kohhran chuan nakkum 2020-a Nilai leh Beihruah Thupui leh Puitling Sunday School zirilaibu tur chu a tichhuak ta.

Heng lehkhahu pahnihte hi Mizo lehkhahu malkhaiah chuan copy chhut chhuah tam berte an ni a. Puitling Sunday School zirilaibu hi copy 90,000 zet chhut niin Nilai leh Beihruah Thupui hi copy 70,000 chhut a ni a, a copy chhut tam ber tum a la ni. Nakkum 2020 hian Mizoram Presbyterian Kohhran chuan Puitling Sunday School-ah "Estheri leh Thuhritlu Hrilhfiahna" tih an zir dawn a. He zirilaibu hi Presbyterian Pastor-te zinga mithiam, Rev. K. Lalpiangthara ziah a ni a, Rs. 100 man a ni.

Mizoram Presbyterian Kohhran Puitling Sunday School zirilaibu hi Mizoram Synod hnuiaia Kohhran zawng zawngte zirilaibu a nih bakah Presbyterian Church of Myanmar (PCM) hnuiaia Phai Synod pumpui chuan an zirilaibu atan an hmang ve nghal zel a. Presbyterian Church of Myanmar leh Mizoram Synod Partnership Agreement angin Mizoram Synod chuan kumtin Copy 1000 zet a thlawnin Presbyterian Church of Myanmar hi a pe thin a ni.

Kum 2020 Nilai leh Beihruah Thupui zirilai thupui tur hi "Kohhran leh Zirtirna Dik Lo" tih a ni dawn a. Mizoram Synod Moderator pawh lo ni tawh leh Presbyterian Pastor-te zinga mithiam, Rev. Vanlalchhunga ziah a ni a. Rs. 130 man a ni.

Puitling Sunday School zirilai leh Nilai leh Beihruah Thupui hi Mizoram puma Synod Bookroom dawr zawng zawngah lei theih tura chhawp chhuah tawh a ni.

- ❑ **Bookroom**
  - ◆ Bookroom chuan kum danga an lo tih thin tawh angin Krismas 2019 leh Kumthar 2020 Synod chawlh chhung hian Synod Bookroom dawr zawng zawngte leh Stock Room inhawn theih dan tur hetiang hian ruahmanna a siam.  
December 28, 2019 (Inrinni) leh January 4, 2020 (Inrinni)-ah te ruahmanna a siam a ni.
  - ◆ Puitling Sunday School zirilaibu bakah Synod Bookroom chuan 2020 Synod Calendar keu chi pawh a peih fel tawh a, keu chi hi Rs. 70/- man a ni.  
KTP General Conference 2020 Hla Bu pawh November ni 28, 2019 zanah tlangzarh a ni a, mamawh apiang tan Synod Bookroom-ah lei theih a ni bawk.
- ❑ **Prison Ministry**  
December 17 - 19 chhung hian District Jail, Aizawl-ah Crusade neih a ni a, Rev. Lalzuithanga speaker niin Prison Ministry committee member -ten an tawiawm a ni.
- ❑ **Synod Relief Fund**  
Tun hnaia harsatna nei Hualngohmun khuua Damlo mi 4 hnenah Synod Relief Fund atangin Rs. 8,000/- theuh pek an ni.
- ❑ **Hruaina Eng FM Radio**
  - ◆ **DECEMBER 20, 2019 (FM Zoawi - Aizawl & Lunglei @ 7:30 p.m.):**
  - Solo : Zoramchhani - Bethlehem arsi engmawi
  - Zaipawl : Chaltlang Bial Zaipawl - A lo herchhuak leh dawn ta
  - Thusawi : Rev. Lalramliana Pachuau - Krismas Thuchah
  - Solo : Saizampuii Sailo - Kumsul liamhnu
  - Zaipawl : Bungkawn Bial Zaipawl - Thinlung i hlan ang u
- ❑ **Hruaina Eng TV Programme**
  - ◆ **DECEMBER 22, 2019 (Tv Programme) @ 4:00 - 6:00, 8:00 - 9:00 p.m :**  
Weekly Round Up, Praise On 2019, Synod Inkhawmpui 2019
  - ◆ **Susamachar Prasaran Programme :**  
**DECEMBER 22, 2019 (Pathianni) 5:00 pm. :**
  - Group/Choir/Solo : Champhai Bethel Pastor Bial - Jab Jab Dekho
  - Group/Choir/Solo : LH Hindi School - Yesu MASIH
  - Sermon : Rev. P.C Rohlira - Uth Prakash Maan Ho
  - Group/Choir/Solo : P.C Lianhmingthanga - Ye Dharti
  - Group/Choir/Solo : Chawnpui Kohhran - Thandi Howe

### HNA RUAK DIL THEIH

Mizoram Presbyterian Kohhran, PRESCOM Department-a thawk tur Production Manager (Regular) hna a ruak a, kum 18 - 35 inkar, ni 21.1.2020-a kum 18 tling, kum 35 la pumhlum lo, zuk leh hmuama fihlim tan dil theih a ni. Hna dilna Form chu Dt. 11.12.2019 (Nilaini) atangin Synod Office (Aizawl leh Lunglei)-ah lakchhuah theih a ni ang. Dilna hi Synod Office, Aizawl-ah thehluh tur a ni a. Application form man Rs. 20/- a ni. Hna dilna Form-ah hriat tur pawimawh tihlan a ni.

Thiamna : Graduate with Diploma in Printing Technology from any recognised University  
 Hlawh : PM L-10 - 20,600  
 Dil theih hun chhung : Dt. 10.1.2020 (Zirtawpni), 3 : 00pm thleng  
 Screening test/exam : Dt. 14.1.2020 (Thawhlejni), 10:00am  
 Interview : Dt. 21.1.2020 (Thawhlejni), 11:00am

Sd/-

Rev. Lianhmingthanga Sailo  
 Secretary, Synod Service Board  
 Synod Office